



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08, 5/22 i 39/25), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU **PLATFORME ZA PROGRES**

Broj: 03-07-6-714/23
Sarajevo, 22.12.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	6
5.1 NALAZI.....	6
5.2 PREPORUKE	19

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Platforme za progres za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Platforma za progres prekršila odredbe člana 4. stav (1), člana 5. stav (4), člana 8. stav (1) i stav (6), člana 11. stav (1), člana 12. stav (1), stav (3), stav (4) i stav (5) i člana 13. stav (1) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Platforme za progres za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Platforma za progres se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	20.376,37	5,45
2.	Prilozi fizičkih lica (3-a)	201.953,00	54,05
3.	Prilozi pravnih lica (3-b)	2.000,00	0,54
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	5.041,60	1,35
7.	Prihodi iz budžeta (3-f)	126.063,37	33,74
8.	Prihodi od propagande (3-g)	0,00	0,00
I	Ukupni prihodi (1-8)	355.434,34	95,12
II	Ostali prihodi i drugo	18.224,43	4,88
	Izvori finansiranja (I+II)	373.658,77	100,00

U godišnjem finansijskom izvještaju za 2022. godinu Platforma za progres je iskazala rashode u ukupnom iznosu od 438.113,95 KM.

2. PREDSTAVLJANJE POLITIČKE STRANKE

Naziv političke stranke je Platforma za progres. Skraćeni naziv stranke je Platforma.

Politička stranka Mirsad Hadžikadić-Platforma za progres registrovana je kod Općinskog suda u Sarajevu dana 20.04.2018. godine, Rješenjem broj: 065-0-F1-18-000005. Dana 15.11.2018. godine, Rješenjem Općinskog suda u Sarajevu broj: 065-0-F1-18-000012 upisana je promjena naziva političke stranke, koji glasi: Platforma za progres. Rješenjem broj: 065-0-F1-20-000005 od 30.04.2020. godine upisana je promjena sjedišta stranke. Rješenjem broj: 065-0-F1-20-000002 od 25.09.2025. godine upisana je promjena lica ovlaštenog za zastupanje i predstavljanje političke stranke.

Sjedište političke stranke je u Sarajevu, ulica Hiseta 1.

Prema podacima iz godišnjeg finansijskog izvještaja za 2022. godinu lice ovlašteno za zastupanje stranke je Mirsad Hadžikadić, predsjednik¹.

Politička stranka u obrascu 1 (opći podaci o političkoj stranci) godišnjeg finansijskog izvještaja za 2022. godinu, koji je Centralnoj izbornoj komisiji Bosne i Hercegovine dostavila u črstoј kopiji, nije navela podatke o ovlaštenom licu za finansijske izvještaje. Prema podacima iz godišnjeg finansijskog izvještaja za 2021. godinu, lice ovlašteno za finansijske izvještaje za 2021. godinu je bila Jasmina Numanović Stjepanović. Predsjednik Platforme za progres je aktom Punomoć za finansijsko izvještavanje kod

¹ Lice ovlašteno za zastupanje i predstavljanje Platforme za progres od 2025. godine je Sedin Omerbašić, predsjednik Upravnog odbora.

Centralne izborne komisije BiH, br. 07,1-58/23 od 11.12.2023. godine, ovlastio Sakibu Hotović za podnošenje finansijskih izvještaja.

Prema podacima iz godišnjeg finansijskog izvještaja za 2022. godinu, organizacionu strukturu Platforme za progres čini:

- Centrala.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Platforme za progres za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja Platforme za progres obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Platforme za progres u periodu od 2018. do 2021. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2021. godinu, izdat je izvještaj o pregledu sa mišljenjem revizora, nalazima revizije i preporukama stranci da finansijska sredstva obezbijedena za finansiranje stranke koristi u skladu sa programom utroška i statutom, da se ne finansira iz zabranjenih izvora, da vodi poslovne knjige u skladu sa računovodstvenim propisima, odnosno da vodi pravilne, pravovremene i potpune evidencije o transakcijskim računima, potraživanjima, prihodima, rashodima i obavezama, kao pretpostavku za pravilno finansijsko izvještavanje, da uspostavi i vodi evidencije o naplaćenim članarinama i priložima fizičkih i pravnih lica na način da omogući pravilno finansijsko izvještavanje o iznosu priloga/članarine koje je svaki donator/član stranke uplatio u toku godine, da finansijske izvještaje koje podnosi Centralnoj izbornoj komisiji Bosne i Hercegovine podnosi u zakonom propisanim rokovima i popunjava u skladu sa Pravilnikom o godišnjim finansijskim izvještajima političkih stranaka, te da dostavlja dodatnu dokumentaciju.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da Platforma za progres nije ispoštovala preporuke revizije.

5. NALAZI I PREPORUKE

5.1 NALAZI

a) Platforma za progres prekršila je odredbe člana 4. stav (1) Zakona o finansiranju političkih stranaka².

U godišnjem finansijskom izvještaju za 2022. godinu Platforma za progres iskazala je rashode u ukupnom iznosu od 438.113,95 KM.

Platforma za progres je u Programu utroška sredstava za 2022. godinu planirala rashode u ukupnom iznosu od 301.962,00 KM, kako slijedi: 1) troškovi ureda u iznosu od 11.501,50 KM, 2) zakup poslovnih prostora u iznosu od 26.995,00 KM, 3) prevoz i putni troškovi u iznosu od 4.927,50 KM, 4) neto plate i ostali troškovi plata u iznosu od 45.588,00 KM, 5) porezi i doprinosi na plate u iznosu od 28.000,00 KM, 6) troškovi po ugovorima o djelu i doprinosi u iznosu od 46.200,00 KM i 7) troškovi reklame i propagande u iznosu od 138.750,00 KM.

Analizom Programa utroška sredstava za 2022. godinu i podataka iz finansijskog izvještaja, utvrđeno je da program nije sačinjen na način kojim bi se obezbijedila transparentnost planiranog trošenja sredstava, kao i uporedba ostvarenih troškova sa planiranim. Politička stranka je tako planirala troškove ureda bez navođenja vrste troškova. Isto tako, politička stranka je troškove reklame i reprezentacije planirala u jednom iznosu, dok je u finansijskom izvještaju iskazala troškove reprezentacije, troškove oglašavanja u štampanim i elektronskim medijima, troškove internet-oglašavanja, troškove štampanja, umnožavanja i slanja predizbornog materijala biračima i ostale troškove propagande.

Služba za reviziju je utvrdila da politička stranka nije planirala sve troškove, dok je pojedine troškove ostvarila u većem iznosu u odnosu na planirane.

- Politička stranka nije planirala troškove ostalih zakupnina, ostale rashode, troškove usluga, troškove advokatskih usluga i sudske troškove, troškove komunalnih usluga, zakupninu vozila, negativne kursne razlika, troškove hotelskih usluga, stipendije, troškove platnog prometa, takse, novčane kazne i sl. i troškove održavanja.

Stranka je u 2022. godini navedene troškove ostvarila u ukupnom iznosu od 69.203,98 KM, i to: troškove ostalih zakupnina u iznosu od 4.109,15 KM³, ostale rashode u iznosu od 1.273,65 KM, troškove usluga u iznosu od 323,66 KM, troškove advokatskih usluga i sudske troškove u iznosu od 1.263,60 KM, troškove komunalnih usluga u iznosu od 292,88 KM, zakupninu vozila u iznosu od 293,37 KM⁴, negativne kursne razlike u iznosu od 1.570,46 KM, troškove hotelskih usluga u iznosu od 1.692,60 KM, stipendije u iznosu od 2.000,00 KM, troškove platnog prometa u iznosu od 5.778,69 KM⁵, takse, novčane kazne i sl. u iznosu od 49.229,10 KM⁶ i troškove održavanja u iznosu od 1.376,82 KM⁷.

- Politička stranka je prekoračila planirane troškove dnevnica i putnih troškova za 1.149,18 KM. U Programu utroška sredstava za 2022. godinu Platforma za progres je planirala troškove prevoza i putnih troškova u iznosu od 4.927,50 KM, dok je u godišnjem finansijskom izvještaju iskazala troškove dnevnica i putnih troškova u iznosu od 6.076,68 KM.

² Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

³ Politička stranka je u okviru troškova ostalih zakupnina iskazala ostale zakupe u iznosu od 517,20 KM, zakup opreme u iznosu od 994,50 KM i ostale zakupe za održavanje konferencija u iznosu od 2.597,45 KM.

⁴ Troškovi zakupnine vozila umanjani za 117,35 KM jer su dva puta evidentirani.

⁵ Politička stranka je troškove provizije iskazala na tri konta, i to: bankarske usluge u iznosu od 20,00 KM, provizija paypal u iznosu od 3.584,68 KM i troškovi platnog prometa u iznosu od 2.174,01 KM.

⁶ Kontrolom prometa putem transakcijskih računa utvrđeno je da je politička stranka troškove takse za ovjeru učešća na izborima evidentirala u iznosu od 50.000,00 KM, dok su isti iznosili 32.000,00 KM.

⁷ Politička stranka je u godišnjem finansijskom izvještaju iskazala troškove održavanja opreme u iznosu od 613,72 KM, te je u okviru ostalih rashoda iskazala troškove održavanja u iznosima od 81,90 KM i 391,20 KM i troškove održavanja SS u iznosu od 290,00 KM.

- Platforma za progres je planirane troškove reklame i propaganda prekoračila za 61.945,30 KM. U Programu utroška sredstava za 2022. godinu politička stranka je planirala troškove reklame i reprezentacije u iznosu od 138.750,00 KM. Platforma za progres je u godišnjem finansijskom izvještaju troškove propagande u obrascu 4.2 (troškovi propagande) iskazala u iznosu od 194.157,63 KM, dok je u obrascu 4.1 (režijsko-administrativni i ostali troškovi) iskazala troškove reprezentacije u iznosu od 6.537,67 KM, odnosno ukupno 200.695,31 KM.

S obzirom da program utroška sredstava nije sačinjen na način kojim bi se obezbijedila transparentnost planiranog trošenja sredstava, kao i uporedba ostvarenih troškova sa planiranim, te da je finansijska sredstva stranke u iznosu od 132.298,46 KM utrošila mimo Programa utroška sredstava za 2022. godinu, Platforma za progres je prekršila odredbe člana 4. stav (1) Zakona o finansiranju političkih stranaka.

b) Platforma za progres prekršila je odredbe člana 5. stav (4) i člana 8. stav (1) i stav (6) Zakona o finansiranju političkih stranaka.

- (1) Politička stranka u poslovnim knjigama i godišnjem finansijskom izvještaju nije iskazala nenovčane donacije po osnovu besplatnog korištenja reklamnih površina ("billboard" i "led display") i nenovčane donacije po osnovu besplatnih objava na društvenoj mreži „Facebook“, što je suprotno odredbi člana 5. stav (4) Zakona o finansiranju političkih stranaka.

Takođe, utvrđeno je da je stranka dio nenovčanih donacija ostvarila suprotno odredbi člana 8. stav (1) Zakona o finansiranju političkih stranaka, tj. primila je anonimne donacije.

- Uvidom u podatke o oglašavanju putem reklamnih površina ("billboard") na Općim izborima 2022. godine, koje je dostavio „Transparency International BiH“, utvrđeno je da je Platforma za progres tokom izborne kampanje 2022. godine imala reklamne površine u Cazinu (3 „billboard“) i Živnicama (1 „display“) za koje politička stranka nema dokumentaciju.

Činjenica da je „Transparency International BiH“ evidentirao reklamne površine na kojima se oglašavala stranka, a da stranka nema dokumentaciju o zakupu reklamnih površina na 4 lokacije⁸, ukazuje da je stranka u toku predizborne kampanje besplatno koristila reklamne površine, odnosno da je ostvarila nenovčane donacije procijenjene vrijednosti od 1.316,70 KM⁹.

S obzirom da stranka u poslovnim knjigama nije evidentirala i u finansijskom izvještaju nije prijavila nenovčane donacije, te da nije poznat identitet donatora, prekršene su odredbe člana 5. stav (4) i člana 8. stav (1) tačka e) Zakona o finansiranju političkih stranaka.

- Platforma za progres u poslovnim knjigama i godišnjem finansijskom izvještaju nije iskazala nenovčane donacije po osnovu besplatnih objava na društvenoj mreži „Facebook“ u ukupnom iznosu od 8.497,98 KM, čime je prekršila odredbe člana 5. stav (4) Zakona o finansiranju političkih stranaka.

1. Kontrolom dostupnih podataka o oglašavanju na društvenoj mreži „Facebook“ i uvidom u dostavljenu dokumentaciju o plaćanjima, koju je u postupku pregleda finansijskih izvještaja predočila politička stranka, utvrđeno je da su sljedeća fizička lica platila objave na ovoj društvenoj mreži u vrijednosti od 7.447,98 KM, i to: Meliha Hukić u iznosu od 317,00 KM, Denis Smajić u iznosu od 531,00 KM, Alma Kurbegović u iznosu od 200,00 KM, Selma Turkić u iznosu od 1.909,00 KM, Meliha Hukić u iznosu od 1.603,00 KM, Mensur Pavica u iznosu od 563,00 KM, Ismar

⁸ Oglašavanje na sljedećim reklamnim površinama: 3 "billboard" i 1 "led display".

⁹ Prilikom obračuna iznosa nenovčanih donacija uzeta je cijena zakupa reklamnih površina prema cijenama dobavljača "WIRAC.NET" Gračanica za zakup „billboard“ u iznosu od 720,0 KM, dok je za zakup „led display“ uzeta cijena od 596,70 KM prema podacima sa računa dobavljača "ADVERTO MEDIA" d.o.o. Bihać.

Kutlovac u iznosu od 466,00 KM, Aldin Džino u iznosu od 236,00 KM, Ehlimana Dževlan u iznosu od 109,00 KM, Alen Kuloglija u iznosu od 100,00 KM, Aleksandar Aničić u iznosu od 100,00 KM, Elvis Šabić u iznosu od 100,00 KM, Sakiba Hotović u iznosu od 191,98 KM, Emir Huremović u iznosu od 121,00 KM, Jasmina Numanović Stjepanović u iznosu od 137,00 KM, Kenan Idrizović u iznosu od 129,00 KM, Alen Džano u iznosu od 132,00 KM, Edin Bunda u iznosu od 182,00 KM i Afan Čečo u iznosu od 321,00 KM.

2. Na osnovu dostupnih podataka, utvrđeno je da je na Facebook stranici Amer Huskanović objavljeno 18 reklama u iznosu od 1.050,00 KM, te da je oglašivač Agencija za digitalni marketing "Digitalk". Imajući u vidu da politička stranka u svojim poslovnim knjigama nije evidentirala dobavljača Agenciju za digitalni marketing "Digitalk", kao i da u postupku pregleda nije dostavila dokumentaciju o oglašavanju na Facebook stranici Amer Huskanović, smatramo da je ostvarila nenovčanu donaciju nepoznatog donatora, koju u finansijskom izvještaju nije ni prijavila, čime je prekršila odredbe člana 5. stav (4) i člana 8. stav (1) tačka e) Zakona o finansiranju političkih stranaka.

- (2) Platforma za progres je tokom 2022. godine putem PayPal računa primila uplate od pravnih lica iz inostranstva i uplate za koje nema dovoljno podataka o identitetu donatora, čime je prekršila odredbe člana 8. stav (1) tačka i) i tačka e) Zakona o finansiranju političkih stranaka¹⁰.

Uvidom u podatke o pregledu transakcija putem PayPal računa u periodu od 01.01. do 31.12.2022. godine utvrđeno je da je stranka primila sredstva od donatora „YouTube“ u iznosu od 29,34 KM i Ebay business u iznosu od 52,20 KM, odnosno ukupno 81,54 KM.

Takođe, uvidom u izvod br. 71 sa transakcijskog računa broj: 1994990011790463, utvrđeno je da je politička stranka primila donaciju u iznosu od 60,00 KM od uplatioca „Enver Simpatizer“. Politička stranka je uz izvod dostavila i nalog za uplatu na kojem je u dijelu u kojem se upisuju podaci o uplatiocu (ime, adresa i telefon) navedeno: Simpatizer Enver i broj telefona. Politička stranka je u svojim poslovnim knjigama evidentirala donaciju Envera Dugonjića.

- (3) Platforma za progres je tokom 2022. godine primila priloge posredstvom trećih lica, u ukupnom iznosu od 1.057,60 KM¹¹, čime je prekršila odredbe člana 8. stav (6) Zakona o finansiranju političkih stranaka¹².
- (4) Pregledom godišnjeg finansijskog izvještaja je utvrđeno da politička stranka nije članarine i priloge prikupljene u gotovom novcu uplatila na transakcijski račun, čime je prekršila odredbe člana 5. stav (4) Zakona o finansiranju političkih stranaka.

Naime, kao što je navedeno u nalazu pod c) stav (4) politička stranka je u toku juna 2022. godine putem blagajne primila članarine u iznosu od 170,00 KM i priloge fizičkih lica u iznosu od 137,00 KM, ali iste nije uplatila na transakcijski račun.

c) Platforma za progres prekršila je odredbe člana 11. stav (1), člana 12. stav (1), stav (4) i stav (5) i člana 13. stav (1) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja, utvrđeno je da Platforma za progres nije vodila pravilne, pravovremene i potpune evidencije o prihodima, rashodima i obavezama, nije obrasce godišnjeg finansijskog izvještaja popunila u skladu s odredbama Pravilnika o godišnjim finansijskim izvještajima političkih stranaka (u daljem tekstu: Pravilnik) i nije dostavila cjelokupnu dodatnu dokumentaciju, čime su prekršene odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

¹⁰ Članom 8. stav (1) tačka i) i tačka e) Zakona o finansiranju političkih stranaka zabranjeno je finansiranje političkih stranaka od strane pravnih lica iz inostranstva i neimenovanih, odnosno anonimnih donatora.

¹¹ Detaljno navedeno u nalazu pod c).

¹² Članom 8. stav (6) Zakona o finansiranju političkih stranaka zabranjeno je davanje dobrovoljnih priloga u novcu ili u formi proizvoda posredstvom trećih lica (posrednika).

- (1) Platforma za progres godišnji finansijski izvještaj nije podnijela na način propisan odredbom člana 3. stav (1) Pravilnika.

Uvidom u službene evidencije utvrđeno je da je Platforma za progres godišnji finansijski izvještaj za 2022. godinu podnijela u elektronskoj formi putem aplikacije FI CIK BiH dana 31.03.2023. godine. Stranka je odštampale obrasce godišnjeg finansijskog izvještaja za 2022. godinu, izuzev obrasca 1 (opći podaci o političkoj stranci), Centralnoj izbornoj komisiji Bosne i Hercegovine dostavila u čvrstoj kopiji dana 25.05.2023. godine.

Politička stranka je, dana 23.05.2023. godine dostavila obrazac 1 godišnjeg finansijskog izvještaja za 2022. godinu u kojem nije navela podatke o ovlaštenom licu koje je odgovorno za vođenje poslovnih knjiga političke stranke, podnošenje finansijskih izvještaja i koje je ovlašteno da kontaktira sa Centralnom izbornom komisijom Bosne i Hercegovine, čime je prekršila odredbe člana 13. stav (1) Zakona o finansiranju političkih stranaka i člana 9. Pravilnika.

- (2) Podaci o ukupnim prihodima i rashodima koje je politička stranka iskazala u poslovnim knjigama ne odgovaraju podacima koji su iskazani u godišnjem finansijskom izvještaju.

- U godišnjem finansijskom izvještaju politička stranka je iskazala ukupne prihode u iznosu od 373.658,77 KM. Politička stranka je u poslovnim knjigama evidentirala ukupne prihode u iznosu od 373.668,77 KM, dok je u Izvještaju o prihodima i rashodima na dan 31.12.2022. godine iskazan ukupan prihod u iznosu od 373.659,00 KM.
- U godišnjem finansijskom izvještaju Platforma za progres je iskazala ukupne rashode u iznosu od 438.113,95 KM. Politička stranka je u poslovnim knjigama ukupne rashode evidentirala u iznosu od 437.850,85 KM, dok je u Izvještaju o prihodima i rashodima na dan 31.12.2022. godine iskazala ukupne rashode u iznosu od 434.869,00 KM.

- (3) U obrascu 1-1 (organizaciona struktura političke stranke) godišnjeg finansijskog izvještaja Platforma za progres je navela da ima samo jedan organizacioni dio, Centralu stranke.

Uvidom u ugovore o zakupu poslovnih prostorija i podatke iz poslovnih knjiga za 2022. godinu, utvrđeno je da je, osim prostorija koji je koristio Centralni ured, Platforma za progres koristila i prostorije u Tuzli, Mostaru, Tešnju, Visokom i Prijedoru. Takođe, uvidom u obrasce godišnjeg finansijskog izvještaja utvrđeno je da se politička stranka finansirala sredstvima iz budžeta sljedećih opština i gradova: Gračanica, Vogošća, Konjic, Tešanj, Centar Sarajevo, Hadžići, Stari Grad Sarajevo, Novo Sarajevo, Novi Grad Sarajevo, Sarajevo i Tuzla.

S obzirom da u godišnjem finansijskom izvještaju nije iskazala cjelokupnu organizacionu strukturu, tj. nije iskazala niže organizacione dijelove, Platforma za progres je prekršila odredbe člana 10. Pravilnika.

- (4) Platforma za progres nije u obrascu 2 (pregled prometa svih transakcijskih računa političke stranke) godišnjeg finansijskog izvještaja prijavila dva (2) transakcijska računa, čime je prekršila odredbe člana 11. Pravilnika.

Prema podacima iz Jedinственог регистра računa u Bosni i Hercegovini stranka je u toku 2022. godine imala aktivne račune kod Sparkasse bank dd Sarajevo broj: 1994990000255708 i 1994990000256581, ali iste nije iskazala u godišnjem finansijskom izvještaju.

Uvidom u obavještenja Sparkasse bank dd Sarajevo od 28.03.2022. godine, koje je politička stranka dostavila u toku obavljanja pregleda, utvrđeno je da su transakcijski računi stranke broj: 1994990000255708 i 1994990000256581, zbog neaktivnosti duže od godinu dana, ugašeni 28.03.2022. godine

Politička stranka je imala obavezu da u godišnjem finansijskom izvještaju prijavi navedene račune.

- (5) Kontrolom blagajničke dokumentacije utvrđeno je da Platforma za progres nije u godišnjem finansijskom izvještaju i poslovnim knjigama iskazala tačne podatke o stanju i prometu putem

blagajne, nije na pravilan način vodila pomoćnu knjigu blagajne, te je postupala suprotno propisima kojim je regulisan unutrašnji platni promet, odnosno devizno poslovanje.

- Podaci o stanju i prometu putem blagajne koji su iskazani u godišnjem finansijskom izvještaju i poslovnim knjigama ne odgovaraju podacima iz pomoćne knjige blagajne.

Platforma za progres je u godišnjem finansijskom izvještaju i poslovnim knjigama iskazala podatke o stanju i prometu putem blagajne: početno stanje u iznosu od 14,09 KM, ukupan promet ulaza u iznosu od 43.279,12 KM, ukupan promet izlaza u iznosu od 43.115,47 KM i stanje na dan 31.12.2022. godine u iznosu od 177,74 KM.

Uvidom u dnevnik blagajne na dan 28.12.2022. godine, koji je posljednji dnevnik blagajne evidentiran u poslovnim knjigama za 2022. godinu, utvrđeno je da je saldo novca u blagajni na dan 28.12.2022. godine iznosio 61,31 KM. Prema podacima iz navedenog dnevnika blagajne, ukupan promet ulaza iznosio je 330,00 KM, dok je politička stranka promet ulaza u blagajnu proknjižila u iznosu od 530,00 KM. Isto tako, utvrđeno je da je stranka u svojim poslovnim knjigama evidentirala donaciju u iznosu od 200,00 KM, ali da ista nije iskazana u dnevniku blagajne na dan 28.12.2022. godine, niti u pojedinačnim potvrdama o prijemu priloga.

Pored navedenog, a uvidom u analitičku karticu konta 100200-*Blagajna*, utvrđeno je da je politička stranka iskazala saldo novca u blagajni u negativnom iznosu na dane 26.01., 28.02., 01.03., 10.03., 12.03., 29.09., 07.11., 10.11., 22.11. i 23.12.2022. godine, odnosno da je isplaćeno više sredstava nego što je politička stranka imala u blagajni.

- Kontrolom blagajničke dokumentacije o uplatama donacija i članarina utvrđeno je da politička stranka nije na pravilan način vodila pomoćnu knjigu blagajne.

Uvidom u dnevnike blagajne utvrđeno je da je politička stranka sačinjavala dnevnik blagajne, naloge uplate i naloge isplate, ali da isti nisu potpisani od strane blagajnika i lica koje je izvršilo uplatu/lica kojem su isplaćena sredstva. Takođe, utvrđeno je da je politička stranka izdavala potvrde o primljenim prilogima i članarinama fizičkim licima koja su uplatila sredstva u gotovom novcu, i u istim je navodila sljedeće podatke: iznos priloga/članarine, datum priloga, ime i prezime fizičkog lica, adresa, broj članske karte i/ili broj ličnog dokumenta, datum prijema novca, broj i datum izdavanja potvrde i potpis lica koje je primilo novac. Iako potvrde sadrže većinu podataka koji su propisani u članu 6. Pravilnika, utvrđeno je da u pojedinim potvrdama nisu navedeni podaci o broju ličnog dokumenta i adresa prebivališta. Isto tako, na pojedinim potvrdama je evidentirana uplata priloga i članarina u devizama (CHF, USD i EUR), dok su uplate priloga i članarina evidentirane u redovnoj blagajni u konvertibilnim markama, a nakon konverzije novca.

Pregledom je utvrđeno sljedeće:

1. Uvidom u izdate potvrde o prijemu priloga, utvrđeno je da je u toku marta 2022. godine naplaćena članarina od 6 fizičkih lica u ukupnom iznosu od 180,00 KM, te prilozi od 2 fizička lica u ukupnom iznosu od 170,00 KM, dok je politička stranka priloge i članarine evidentirala u dnevniku blagajne 6/22 od 20.02.2022. godine, tj. prije nego što je priloge i članarine i primila.

Takođe, politička stranka je prilog fizičkog lica u iznosu od 1.000,00 KM koji je prema podacima iz potvrde o prijemu priloga br. 29264-2022 od 29.03.2022. godine primila 29.03.2022. godine, evidentirala u dnevniku blagajne 7/22 od 28.02.2022. godine.

2. Prema podacima iz izdatih potvrda o prijemu priloga, utvrđeno je da je politička stranka putem blagajne primila članarine i priloge u ukupnom iznosu od 1.210,00 CHF (2.338,08 KM). Naime, pregledom dokumentacije utvrđeno je da je politička stranka u blagajnu 01.07.2022. godine uplatila sredstva koja je naplatila u inostranstvu u maju 2022. godine od 19 fizičkih lica u ukupnom iznosu od 600,00 CHF (1.159,38 KM), te priloge 7 fizičkih lica u ukupnom iznosu od 510,00 CHF

(985,47 KM). Takođe, uvidom u potvrdu br. 29533-2022 od 14.07.2022. godine, utvrđeno je da je politička stranka, dana 14.07.2022. godine, u Sarajevu primila donaciju fizičkog lica u iznosu od 100,00 CHF (193,23 KM).

Politička stranka je, dana 01.07.2022. godine izvršila konverziju 1.230,00 CHF, što je po važećem kursu na dan 01.07.2022. godine iznosilo 2.376,69 KM, te je u dnevniku blagajne 33/22 od 01.07.2022. godine evidentirala polog priloga i članarina u iznosu od 2.329,16 KM, a zatim je navedena sredstva uplatila na transakcijski račun. Stranka je u poslovnim knjigama evidentirala troškove konverzije u iznosu od 47,53 KM.

U dnevniku blagajne 33/22 od 01.07.2022. godine, politička stranka je evidentirala i polog priloga i članarina u iznosu od 1.997,36 KM, a nakon konverzije 1.100,00 USD u KM. Prema podacima iz potvrda o primljenim priložima, politička stranka je dana 01.07.2022. godine u Sarajevu primila priloge i članarine dva fizička lica u ukupnom iznosu od 1.100,00 USD (2.038,08 KM).

3. Uvidom u izdate potvrde o prijemu priloga, utvrđeno je da je dana 17.08.2022. godine fizičko lice Sakiba Hotović dala priloge u iznosu od 2.266,00 EUR (4.429,95 KM). Sredstva su prema podacima iz potvrde uplaćena u Sarajevu, u gotovom novcu, a dana 25.08.2022. godine izvršena je konverzija u konvertibilne marke. Politička stranka je, zatim, u dnevniku blagajne 42/22 od 28.08.2022. godine evidentirala uplatu donacije u iznosu od 4.429,95 KM, te je izvršila polog na transakcijski račun političke stranke. Potrebno je istaći da je politička stranka prijem priloga od fizičkog lica u iznosu od 766,00 EUR i 1.500,00 EUR evidentirala na potvrdama koje imaju isti serijski broj 001781, ali da je broj potvrda koje je politička stranka navela na potvrdama različit.
4. Prema podacima iz potvrde o prijemu priloga, utvrđeno je da je dana 21.06.2022. godine fizičko lice Satko Bitanga dao prilog u iznosu od 50,00 EUR (97,00 KM). Sredstva su prema podacima iz potvrde uplaćena u gotovom novcu u Sarajevu. Politička stranka je u dnevniku blagajne 29/22 od 23.06.2022. godine evidentirala uplatu donacije u iznosu od 97,00 KM.

Stranka je u toku juna 2022. godine putem blagajne, u gotovom novcu, primila sredstva od članarine u iznosu od 170,00 KM, te priloge u iznosu od 137,00 KM, ali primljena novčana sredstva nije uplatila na transakcijski račun, što je suprotno odredbama člana 5. stav (4) Zakona o finansiranju političkih stranaka.

5. U dnevniku blagajne 55/22 od 02.10.2022. godine evidentirane su uplate jednog fizičkog lica u iznosima od 960,00 KM i 371,45 KM. Uvidom u potvrde o prijemu priloga utvrđeno je da su prilozi primljeni u iznosima od 485,00 USD i 200,00 USD. Politička stranka je dana 12.10.2022. godine izvršila konverziju 685,00 USD u konvertibilne marke i sredstva u iznosu od 1.331,45 KM položila na transakcijski račun stranke. Prema obračunu banke, 685,00 USD iznosilo je 1.358,62 KM, dok su troškovi provizije iznosili 27,17 KM. Politička stranka je knjiženjem priloga fizičkog lica u iznosu od 1.331,45 KM, umjesto u iznosu od 1.358,62 KM, priloge fizičkog lica iskazala u manjem iznosu. Politička stranka u poslovnim knjigama nije evidentirala troškove provizije.

Na osnovu navedenog, utvrđeno je da politička stranka nije postupala u skladu sa propisima kojim je regulisan unutrašnji platni promet, odnosno devizno poslovanje, kao i da nije pravilno vodila pomoćnu knjigu blagajne.

- (6) Politička stranka nije u poslovnim knjigama i godišnjem finansijskom izvještaju iskazala tačne i potpune podatke o prihodima, čime je prekršila odredbe čl. 13, 14, 18. i 19. Pravilnika.
 - U godišnjem finansijskom izvještaju politička stranka je prihode od članarine iskazala u ukupnom iznosu od 20.376,37 KM, dok je u poslovnim knjigama članarina evidentirana u ukupnom iznosu od 20.386,57 KM.

- Uvidom u poslovne knjige, utvrđeno je da je stranka u poslovnim knjigama na istom kontu evidentirala priloge i fizičkih i pravnih lica, odnosno nije uspostavila pravilne evidencije o priložima, kao pretpostavku za pravilno finansijsko izvještavanje.

Takođe, utvrđeno je da stranka evidencije o uplatama članarine, donacija i prihoda iz budžeta i uplatama na PayPal račun vodila i na kontima potraživanja, te na dan 31.12.2022. godine iskazuje saldo na kontu 121001-*potraživanje od članarina* u iznosu od 139,07 KM, a na kontu 121002-*potraživanja od donacija* saldo u iznosu od 401,80 KM

- Pregledom obrazaca godišnjeg finansijskog izvještaja, izvoda i podataka sa transakcijskih i deviznih računa i PayPal računa stranke, utvrđeno je da stranka prilikom popunjavanja podataka o prihodima od članarine, odnosno podataka o donatorima i iznosima pojedinačnih priloga u obrascima godišnjeg finansijskog izvještaja nije postupala u skladu sa odredbama člana 13. i 14. Pravilnika.

Podaci koje je stranka iskazala u obrascu 3 i 3-a odstupaju od evidencija sa transakcijskih računa, kako slijedi:

1. Stranka je u poslovnim knjigama i obrascu 3 (izvori finansiranja političke stranke) iskazala članarinu Faruka Nukića u iznosu od 27,66 KM. Uvidom u dokumentaciju o uplatama putem PayPal računa utvrđeno je da je kao uplatilac naveden „YouTube“ u iznosu od 29,34 KM (15,00 EUR).

Dana 08.02.2022. godine na PayPal račun izvršena je uplata sa Ebay business u iznosu od 52,20 KM (30,00 USD). Politička stranka je ovu uplatu evidentirala na kontu članarine, kao članarinu i donaciju Adina Hadžiosmanovića u ukupnom iznosu od 49,00 KM.

2. Politička stranka je u obrascu 3-a iskazala prilog fizičkog lica Elvire Burić u iznosu od 2.500,00 KM. Uvidom u dnevnik blagajne br. 56/22 od 04.10.2022. godine i br. 60/22 od 10.11.2022. godine, utvrđeno je da je navedeno lice dalo priloge stranci u ukupnom iznosu od 5.000,00 KM.
3. Politička stranka je putem PayPal računa primila prilog fizičkog lica Hamdija Todorovac u ukupnom iznosu od 100,00 USD, odnosno 179,90 KM, dok je u obrascu 3-a navela da je primila prilog fizičkog lica Hamdija Todorović.
4. U obrascu 3-a politička stranka je iskazala prilog Fatime Kalača u iznosu od 1.226.15 KM.

Kontrolom finansijske dokumentacije, utvrđeno je da je Fatima Kalača uplatila sredstva u ukupnom iznosu od 1.567,00 KM. Uvidom u pregled transakcija sa PayPal računa utvrđeno je da je politička stranka uplatu Fatime Kalača od 09.05.2022. godine u iznosu od 555,00 KM (300,00 USD) evidentirala kao priloge Rahime Kalača u iznosu od 185,00 KM i Fatime Kalača u iznosu od 370,00 KM. Politička stranka je u obrascu 3-a navela da je prilog Rahime Kalača u iznosu od 185,00 KM primila dana 05.07.2022. godine.

Na osnovu navedenog, utvrđeno je da je Fatima Kalača političkoj stranci donirala sredstva u iznosu od 1.382,00 KM, te da je prilog Rahime Kalača u iznosu od 185,00 KM uplaćen posredstvom trećeg lica, Fatime Kalača, što je suprotno odredbi člana 8. stav (6) Zakona o finansiranju političkih stranaka.

5. Platforma za progres je u obrascu 3-a iskazala prilog Mirsade Memić u iznosu od 1.189,12 KM. Prema podacima sa pregleda transakcija sa PayPal računa utvrđeno je da je fizičko lice Mirsada Memić političkoj stranci uplatila 690,00 USD, odnosno 1.369,90 KM.
6. Merhunisa Veselji je putem PayPal računa dana 30.01.2022. godine uplatila sredstva u iznosu od 210,00 USD, odnosno 367,50 KM. Politička stranka je navedena sredstva evidentirala kao članarine 7 fizičkih lica u iznosima od po 30,00 USD (52,50 KM) i

iskazala kao prihode od članarine. Politička stranka u svojoj evidenciji nema dokumentaciju iz koje bi se nesumnjivo utvrdilo da su sredstva koja je Merhunisa Veselji uplatila na PayPal račun prikupljena kao članarina.

7. Stranka je u obrascu 3-a iskazala priloge fizičkog lica Adela Kadirić u iznosu od 1.592,65 KM.

Prema podacima iz izvoda sa transakcijskog računa, PayPal računa i dnevnika blagajne, utvrđeno je da je Adela Kadirić u toku 2022. godine dana 30.05.2022. godine uplatila sredstva u iznosu od 58,67 KM (30,00 EUR), dana 15.11.2022. godine sredstva u iznosu od 303,15 KM (155,00 EUR), dana 26.09.2022. godine sredstva u iznosu od 190,60 KM, te u septembru i decembru 2022. godine sredstva u iznosu od 1.350,00 KM i 174,00 KM, odnosno ukupno 2.076,62 KM.

Politička stranka je uplatu u iznosu od 303,15 KM (155,00 EUR) evidentirala kao članarine 7 lica: Adela Kadirić, Mehmed Kadirić i Filzeta Kadirić u iznosu od po 30,00 EUR, Elvis Čolić, Meliha Gekić-Lerić, Amra Dagada i Nejla Grahc u iznosima od po 15,00 EUR, te donaciju Adele Kadirić u iznosu od 5,00 EUR.

Uvidom u izvod br. 27 sa transakcijskog računa broj: 1994990049598929, utvrđeno je da je Adela Kadirić uplatila donaciju za Nedžata Mulavdića u iznosu od 190,60 KM, što je suprotno odredbi člana 8. član (6) Zakona o finansiranju političkih stranaka. Stranka je uplatu u iznosu od 190,60 KM u obrascu 3-a iskazala kao prilog Nedžada Mulabdića.

8. U obrascu 3-a politička stranka je iskazala prilog fizičkog lica Besima Mujanovića u iznosu od 100,00 KM. Uvidom u izvode sa transakcijskog računa utvrđeno je da je sredstva u iznosu od 100,00 KM uplatila Hasiba Mujnović za Besima Mujnovića. S obzirom da su sredstva uplaćena preko posrednika, prekršene su odredbe člana 8. član (6) Zakona o finansiranju političkih stranaka.

Isto tako, politička stranka je u obrascu 3-a iskazala prilog fizičkog lica Adise Bešić u iznosu od 134,00 KM. Uvidom u izvode sa transakcijskog računa broj: 1994990011790463, utvrđeno je da je Adisa Bešić dana 22.02.2022. godine uplatila sredstva u iznosu od 32,00 KM, koja je politička stranka evidentirala kao članarinu u iznosu od 30,00 KM i donaciju u iznosu od 2,00 KM. Dana 16.06.2022. godine Selman Bešić je uplatio sredstva u iznosu od 132,00 KM, koja je stranka u poslovnim knjigama evidentirala kao donaciju fizičkog lica. Imajući u vidu da politička stranka sredstva u iznosu od 132,00 KM koja je uplatio Selman Bešić evidentirala kao prilog Adise Bešić, odnosno da je primila prilog posredstvom trećeg lica, prekršila je odredbe člana 8. član (6) Zakona o finansiranju političkih stranaka.

9. Politička stranka je u obrascu 3-a iskazala priloge fizičkih lica Filzete Kadirić u iznosu od 450,00 KM i Mehmeda Kadirića u iznosu od 450,00 KM. Uvidom u izvode sa transakcijskog računa utvrđeno je da je sredstva u iznosu od 900,00 KM uplatila Filzeta Kadirić. Filzeta Kadirić je platila i članarinu za Mehmeda Kadirića u iznosu od 30,00 KM. S obzirom da je prilog u iznosu od 450,00 KM uplaćen preko posrednika, stranka je prekršila odredbe člana 8. stav (6) Zakona o finansiranju političkih stranaka.

10. Politička stranka nije u obrascu 3-a u dijelu u kojem se iskazuju prilozi veći od 100,00 KM, iskazala prilog fizičkog lica Midhat Duračak. Midhat Duračak je dana 11.02.2022. godine putem PayPal računa političkoj stranci uplatio sredstva u iznosu od 214,80 KM (120,00 USD).

Platforma za progres, takođe, nije u obrascu 3-a iskazala priloge veće od 100,00 KM sljedećih fizičkih lica: Adile Čizmić u iznosu od 195,58 KM, Jusufa Čauševića u iznosu od 176,02 KM, Mehmeda Ibradžića u iznosu od 136,91 KM, Ramiza Jakupovića u iznosu od 156,47 KM, Vesne Halebić u iznosu od 240,00 KM, Samira

Selimovića u iznosu od 230,00 KM i Zuhrete Kozlice u iznosu od 193,23 KM. Sredstva su uplaćena putem PayPal računa.

Isto tako, u obrascu 3-a nije iskazan prilog fizičkog lica Nadia Kozlica u iznosu od 2.436,00 KM. Sredstva su uplaćena putem PayPal računa.

Osim navedenog, utvrđeno je da politička stranka u obrascu 3-a godišnjeg finansijskog izvještaja nije iskazala tačne podatke o prilogu fizičkog lica Merime Livadić, dok nije potvrđeno da je politička stranka primila prilog Samre Kozlica u iznosu od 112,93 KM, a koji je iskazan u obrascu 3-a finansijskog izvještaja.

- U obrascu 3-f (prihodi iz budžeta) godišnjeg finansijskog izvještaja Platforma za progres je iskazala prihode iz budžeta Općine Tešanj u iznosu od 944,04 KM, što je za 3.137,08 KM manje u odnosu na ostvarene.

Uvidom u podatke koje je dostavila Općina Tešanj utvrđeno je da je iz budžeta Općine Tešanj u toku 2022. godine na ime Platforme za progres isplaćeno ukupno 4.081,12 KM, od čega je na transakcijski račun političke stranke uplaćeno 944,04 KM, dok su sredstva u iznosu od 3.137,08 KM isplaćena na lični račun vijećnika Emira Galijaševića, odnosno na ime poreza na dohodak i doprinosa na sredstva koja su isplaćena na račun vijećnika. Prema dostavljenoj dokumentaciji, Općina Tešanj je sredstva do aprila 2022. godine uplatila na transakcijski račun političke stranke, dok je uz saglasnost političke stranke, sredstva za period 01.04. do 31.12.2022. godine uplatila na lični račun vijećnika.

- U obrascu 3 (izvori finansiranja) i 3-e (nenovčane donacije i računi koje stranka nije imala obavezu da plati) godišnjeg finansijskog izvještaja politička stranka nije iskazala nenovčane donacije za oglašavanje na reklamnim površinama („billboard“ i „led display“) tokom izborne kampanje 2022. godine i nenovčane donacije po osnovu besplatnih objava na društvenoj mreži „Facebook“, čime je prekršila odredbe člana 13. i 18. Pravilnika.
- Platforma za progres je u poslovnim knjigama i godišnjem finansijskom izvještaju povrat dijela takse za ovjeru učešća na izborima u iznosu od 18.000,00 KM pogrešno iskazala kao prihode, čime je prekršila odredbe člana 13. Pravilnika.

Politička stranka je povrat dijela takse za ovjeru učešća na izborima u iznosu od 18.000,00 KM u poslovnim knjigama evidentirala na kontu 413000-*prihodi od CIK-a*, te u godišnjem finansijskom izvještaju iskazala kao ostale prihode. Uvidom u izvode sa transakcijskog računa utvrđeno je da je Platforma za progres za ovjeru učešća na izborima uplatila taksu u iznosu od 50.000,00 KM, te da su joj dana 19.12.2022. godine, vraćena sredstva na ime uplaćene takse u iznosu od 18.000,00 KM.

- (7) Pregledom godišnjeg finansijskog izvještaja utvrđeno je da politička stranka nije vodila pravilne i pravovremene evidencije o svojim rashodima, niti je iste pravilno iskazala u godišnjem finansijskom izvještaju, što je suprotno računovodstvenim propisima i odredbama čl. 21, 22. i 23. Pravilnika.

Takođe, utvrđeno je da je dio troškova evidentiran na osnovu nevjerodostojne dokumentacije, odnosno na osnovu koje nije moguće nedvojbeno utvrditi vrstu i obim nastale promjene, karakter poslovne promjene u knjigovodstveno-tehničkom smislu, tehnička obilježja i sl.¹³

- Stranka u poslovnim knjigama nije uspostavila evidencije o troškovima po svojim organizacionim dijelovima niti je u godišnjem finansijskom izvještaju iskazala podatke o troškovima u obrascima 4.1 (režijsko-administrativni i ostali troškovi) za svaki

¹³ U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

organizacioni dio posebno, a što je bila obavezna u skladu sa odredbama člana 7. stav (2) Pravilnika.

- Kontrolom iskazanih podataka u obrascu 4.1 utvrđeno je da je politička stranka troškove poštarine, internet usluga iskazala u manjem iznosu za 28,50 KM, troškove zakupnine poslovnih prostora u većem iznosu za 301,50 KM, a troškove platnog prometa za 10,00 KM manje u odnosu na podatke u poslovnim knjigama.

Osim navedenog, utvrđeno je da je stranka troškove provizije po PayPal računu i bankarske usluge u obrascu 4.1 iskazala kao ostale rashode, dok je troškove bankarske provizije iskazala kao troškove platnog prometa. Takođe, stranka je troškove goriva iskazala u okviru dnevnica i putnih troškova.

- Podaci o troškovima izborne kampanje koje je politička stranka iskazala u obrascu 4.2 (troškovi propagande) godišnjeg finansijskog izvještaja ne odgovaraju podacima o troškovima izborne kampanje koji su iskazani u obrascu 4.2 (troškovi propagande) postizbornog finansijskog izvještaja-Opći izbori 2022. godine.

Politička stranka je u obrascu 4.2 godišnjeg finansijskog izvještaja iskazala troškove propagande u ukupnom iznosu od 194.157,63 KM, kako slijedi: troškove štampanja plakata i plakatiranja u iznosu od 0,00 KM, troškove oglašavanja u štampanim i elektronskim medijima u iznosu od 116.385,75 KM, troškove internet-oglašavanja u iznosu od 2.245,13 KM, troškove organizacije i održavanja predizbornih skupova u iznosu od 0,00 KM, troškove štampanja, umnožavanja i slanja predizbornog materijala biračima u iznosu od 14.824,07 KM i ostale troškove propagande u iznosu od 60.692,68 KM.

U obrascu 4.2 postizbornog finansijskog izvještaja-Opći izbori 2022. godine politička stranka je troškove propagande iskazala u ukupnom iznosu od 190.671,68 KM, kako slijedi: troškove štampanja plakata i plakatiranja u iznosu od 11.777,89 KM, troškove oglašavanja u štampanim i elektronskim medijima u iznosu od 116.279,55 KM, troškove internet-oglašavanja u iznosu od 1.921,56 KM, troškove organizacije i održavanja predizbornih skupova u iznosu od 0,00 KM, troškove štampanja, umnožavanja i slanja predizbornog materijala biračima u iznosu od 0,00 KM i ostale troškove propagande u iznosu od 60.692,68 KM.

- Uvidom u podatke koje je dostavila Općina Tešanj utvrđeno je da su iz budžeta Općine Tešanj u toku 2022. godine na ime Platforme za progres isplaćena sredstva na lični račun vijećnika Emira Galijaševića, te porez na dohodak i doprinosi na isplaćena sredstva u ukupnom iznosu od 3.137,08 KM. Politička stranka nije u svojim poslovnim knjigama evidentirala troškove po navedenom osnovu, te je u godišnjem finansijskom izvještaju rashode iskazala u manjem iznosu za 3.137,08 KM u odnosu na ostvarene.
- Uvidom u analitičku karticu konta 401013-*zakup transportnih sredstava*, te kopiju dokumentacije, utvrđeno je da je politička stranka troškove najma vozila u iznosu od 117,35 KM evidentirala dva puta. Politička stranka je, dana 30.08.2022. godine, platila najam vozila u iznosu od 117,35 KM, što je i evidentirano na računu br. 672/2022/DT od 17.08.2022. godine. Stranka je račun za najam vozila dobavljaču platila i dana 21.09.2022. godine, ali je dobavljač izvršio povrat sredstava narednog dana. Kao rezultat pogrešnih evidencija, odnosno knjiženja troškova dva puta, politička stranka je u poslovnim knjigama na dan 31.12.2022. godine iskazala obavezu prema dobavljaču u iznosu od 117,35 KM.
- Stranka je u obrascu 4.1 koji je popunjen na nivou političke stranke, iskazala troškove zakupa poslovnih prostora u iznosu od 26.530,22 KM, dok je u poslovnim knjigama evidentirala troškove zakupa poslovnih prostora u ukupnom iznosu od 26.228,62 KM

U postupku pregleda godišnjeg finansijskog izvještaja politička stranka je dostavila dokumentaciju o korištenju poslovnog prostora u Sarajevu za Centralu stranke. Prema

podacima iz ugovora o zakupu, troškovi zakupa poslovnog prostora koji je koristila Centrala stranke u Sarajevu iznosili su 12.000,00 KM, dok je politička stranka u poslovnim knjigama evidentirala troškove zakupa poslovnog prostora u iznosu od 17.000,00 KM.

Prema podacima iz poslovnih knjiga, politička stranka je iskazala troškove zakupa poslovnih prostora u Tuzli, Mostaru, Tešnju, Visokom i Prijedoru.

Uvidom u poslovne knjige utvrđeno je da je politička stranka na analitičkoj kartici konta 401010-*zakup poslovnog prostora* evidentirala troškove zakupa poslovnih prostora koje je koristila u sljedećim gradovima i općinama: Tuzla u iznosu od 6.000,00 KM, Mostar u iznosu od 1.360,00 KM, Tešanj u iznosu od 600,00 KM, Prijedor u iznosu od 450,00 KM i Visoko u iznosu od 818,62 KM.

S obzirom da stranka nije dostavila ugovore o zakupu poslovnih prostora koje su koristili niži organizacioni dijelovi, nije moglo biti utvrđeno u kojem periodu su korišteni prostori, kao ni da li su troškovi u potpunosti i pravilno iskazani.

- Platforma za progres je u obrascu 4.1 iskazala troškove takse za ovjeru učešća na izborima u iznosu od 50.000,00 KM, što je za 18.000,00 KM više u odnosu na ostvarene. Naime, Platforma za progres je za ovjeru učešća na izborima uplatila taksu u iznosu od 50.000,00 KM. S obzirom da su političkoj stranci, dana 19.12.2022. godine, vraćena sredstva na ime uplaćene takse u iznosu od 18.000,00 KM, troškovi takse su iznosili 32.000,00 KM, a ne 50.000,00 KM.
- Politička stranka je u obrascu 4.1 godišnjeg finansijskog izvještaja iskazala ostale zakupe za potrebe održavanja konferencija u iznosu od 2.597,45 KM.

Uvidom u pojedinačne račune koje je politička stranka dostavila u toku obavljanja pregleda finansijskih izvještaja, utvrđeno je sljedeće:

1. Politička stranka je račun dobavljača „Garden City Hotel Konjic” Konjic broj: 00700/2021 od 23.12.2021. godine u iznosu od 150,00 KM, evidentirala kao troškove tekućeg perioda u iznosu od 76,69 KM, odnosno evidentirala je iznos računa u Eur-ima. Politička stranka je i račun dobavljača „Hotel Salis” Tuzla broj: 429/2022 od 15.02.2022. godine u iznosu od 200,00 KM evidentirala u iznosu od 102,26 KM, tj. evidentirala je trošak u iznosu izraženom u Eur-ima. Na kontima obaveza prema navedenim dobavljačima, nakon plaćanja računa u iznosu od 150,00 KM i 200,00 KM, politička stranka je iskazala preplatu u iznosima od 73,31 KM, odnosno 97,74 KM.

Pogrešnim evidentiranjem računa u poslovnim knjigama, politička stranka je troškove iskazala u manjem iznosu za 171,05 KM u odnosu na ostvarene, te je na karticama obaveza prema dobavljačima pogrešno iskazala stanje-preplatu.

2. Politička stranka je račun dobavljača JU „Centar za kulturu, sport i informisanje” Visoko br. 403/2022 od 28.09.2022. godine u iznosu od 526,50 KM za zakup sale, račun dobavljača JU „Centar za kulturu” Goražde br. 177/22 od 21.09.2022. godine u iznosu od 175,50 KM za zakup sale i račun dobavljača JU „Slobo Prom”- Hotel Jelena Banja Luka br. 1309-H/2022 od 23.09.2022. godine u iznosu od 550,00 KM za zakup konferencijske sale i konzumaciju pića, evidentirala kao ostale zakupe za potrebe održavanja konferencija.

S obzirom da su troškovi zakupa sala u ukupnom iznosu od 852,00 KM i troškovi konzumacije pića u iznosu od 400,00 KM nastali u vrijeme izborne kampanje, politička stranka je navedene troškove trebala iskazati u obrascu 4.2 godišnjeg finansijskog izvještaja.

Stranka je troškove konzumacije pića u iznosu od 400,00 KM u poslovnim knjigama trebala evidentirati na kontu troškova reprezentacije.

- Uvidom u ugovore o djelu koje je politička stranka zaključila za period 2022. godine utvrđeno je da se dio troškova direktno odnosio na period izborne kampanje, odnosno dio ugovora zaključen je u svrhu izborne kampanje. Tako je politička stranka isplatila ugovor o djelu fizičkom licu M.M. za pisanje PR i saopštenja u neto iznosu od 1.000,00 KM što uz pripadajući porez na dohodak i doprinose iznosi ukupno 1.185,95 KM. Isto tako, politička stranka je, dana 21.10.2021. godine, sa fizičkim licem S.A. zaključila Ugovor o djelu za pružanje usluga iz oblasti konsaltinga političke komunikacije i strategije izborne kampanje Platforme za progres za Opće izbore 2022. godine. Prema ugovoru, navedeno fizičko lice je angažovano počev od 21.10.2021. godine do objave rezultata izbora 2022. godine, uz ugovorenu naknadu od 39.000,00 KM neto. Prema podacima iz poslovnih knjiga, u toku 2022. godine fizičkom licu S.A. je isplaćeno ukupno 21.000,00 KM, što uz pripadajući porez na dohodak i doprinose iznosi ukupno 24.904,80 KM.

Politička stranka je troškove po osnovu ugovora o djelu u ukupnom iznosu od 26.090,75 KM, trebala iskazati u obrascu 4.2 godišnjeg finansijskog izvještaja.

- Politička stranka je račun dobavljača Obrtnička radnja „BMS” Vogošća br. 135 09/2022 od 26.09.2022. godine u iznosu od 877,50 KM za najam led ekrana na dan 24.09.2022. godine evidentirala na kontu 401012-*zakup opreme*, te iskazala u obrascu 4.1 godišnjeg finansijskog izvještaja kao troškove ostalih zakupnina. Politička stranka je troškove najma led ekrana za potrebe izborne kampanje, trebala iskazati u obrascu 4.2 godišnjeg finansijskog izvještaja.
- Platforma za progres u svojim poslovnim knjigama i finansijskim izvještajima nije iskazala troškove zakupa reklamnih površina („billboard” i „led display”) na 4 lokacije, čime je troškove kampanje iskazala u manjem iznosu za 1.316,70 KM u odnosu na ostvarene.

Kao što je navedeno u nalazu pod b), „Transparency International BiH” je Centralnoj izbornoj komisiji Bosne i Hercegovine dostavio podatke o oglašavanju na Općim izborima 2022. godine, dok je politička stranka tokom obavljanja revizije finansijskih izvještaja predočila račune o troškovima zakupa reklamnih površina za vanjsko oglašavanje. Pregledom raspoloživih specifikacija utvrđeno je da se politička stranka oglašavala na više lokacija, ali da politička stranka nema dokumentaciju o plaćanju zakupa za ukupno 4 reklamne površine (3 „billboard” i 1 „led display”), procijenjene vrijednosti od 1.316,70 KM.¹⁴

- Stranka u godišnjem finansijskom izvještaju nije iskazala troškove izborne kampanje po osnovu objava na društvenoj mreži „Facebook” u vrijednosti od 8.497,98 KM¹⁵.
- Uvidom u finansijsku dokumentaciju političke stranke i knjigovodstvene isprave utvrđeno je da računi dobavljača nisu ovjereni za knjiženje i plaćanje.

Računi dobavljača „Led Media” d.o.o. Banja Luka br. 443 od 16.09.2022. godine u iznosu od 2.808,00 KM, „Graficom” d.o.o. Maglaj br. 62 od 26.09.2022. godine u iznosu od 631,80 KM, „Europlakat BH” d.o.o. Sarajevo br. 749-09/22 od 19.09.2022. godine u iznosu od 935,95 KM, „Adverto Media” d.o.o. Bihać u iznosu od 596,70 KM, „Wirac.net” Gračanica br. USL-02331 od 08.09.2022. godine u iznosu od 1.300,00 KM, „Stil-print” Ilidža u iznosu od 468,00 KM, „Red” Sarajevo br. 2384 od 06.09.2022. godine u iznosu od 3.540,00 KM, „OUTDOOR MEDIA” d.o.o. Kiseljak br. 0012-22-G od 07.09.2022. godine u iznosu od 4.621,50 KM i „Nova Oprema” d.o.o. Banja Luka br. U905/22 od 15.09.2022. godine u iznosu od 614,25 KM, nisu ovjereni za knjiženje i plaćanje, niti je potvrđen prijem robe/usluge.

(8) Politička stranka u godišnjem finansijskom izvještaju nije iskazala sve obaveze na dan 31.12.2022. godine, čime je prekršila odredbe člana 24. Pravilnika.

¹⁴ Detaljnije navedeno u nalazu pod tačkom b), stav (1)

¹⁵ Detaljnije navedeno u nalazu pod tačkom b), stav (1).

Platforma za progres je u godišnjem finansijskom izvještaju iskazala obaveze prema dobavljačima, odnosno ukupne obaveze u iznosu od 1.729,47 KM.

Prema podacima iz bruto bilansa ukupne kratkoročne obaveze stranke na dan 31.12.2022. godine iznosile su 28.522,23 KM, kako slijedi: obaveze prema dobavljačima 7.619,63 KM, obaveze za bruto plate, ugovore o djelu i poreze 9.702,60 KM i ostali kratkoročni zajmovi u iznosu od 11.200,00 KM. Politička stranka je u poslovnim knjigama na dan 31.12.2022. godine iskazala i dugoročna rezervisanja u iznosu od 2.683,42 KM.

- (9) Politička stranka nije postupila u skladu sa Zahtjevom Centralne izborne komisije Bosne i Hercegovine za dostavljanje dodatne dokumentacije za 2022. godinu, tj. nije dostavila ugovore o zakupu poslovnih prostora za sve organizacione odbore i nije dostavila izvode otvorenih stavki na dan 31.12.2022. godine za dobavljače: „Bulet“ d.o.o., „Drampek“ d.o.o. i „Most M“ d.o.o., čime je prekršila odredbe člana 12. stav (5) Zakona o finansiranju političkih stranaka.

Politička stranka je dostavila samo dokumentaciju o poslovnom prostoru koji je koristio Centralni ured, te je umjesto izvoda otvorenih stavki na dan 31.12.2022. godine za dobavljače: „Bulet“ d.o.o., „Drampek“ d.o.o. i „Most M“ d.o.o., dostavila analitičke kartice obaveza prema navedenim dobavljačima za 2023. godinu.

d) Platforma za progres prekršila je odredbe člana 12. stav (3) Zakona o finansiranju političkih stranaka i 15.1 stav (1) Izbornog zakona Bosne i Hercegovine.

Platforma za progres je postizborni finansijski izvještaj za Opće izbore 2022. godine podnijela nakon zakonom propisanog roka i suprotno odredbama Pravilnika o predizbornim i postizbornim finansijskim izvještajima političkih stranaka („Službeni glasnik BiH” br. 10/18 i 5/22), čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- Platforma za progres je postizborni finansijski izvještaj za Opće izbore 2022. godine (izvještajni period 01.05.-02.11.2022. godine) dostavila Centralnoj izbornoj komisiji Bosne i Hercegovine dana 31.03.2023. godine u čvrstoj kopiji, odštampan iz aplikacije FI CIK BiH, dok je u aplikaciji FI CIK BiH ovaj izvještaj podnijela tek 18.06.2025. godine

U skladu sa odredbama člana 15.1 stav (1) Izbornog zakona Bosne i Hercegovine, rok za dostavljanje ovog finansijskog izvještaja bio je 02.12.2022. godine.

- Stranka u postizbornom finansijskom izvještaju nije iskazala sve donacije i troškove izborne kampanje, čime je prekršila odredbe Pravilnika o predizbornim i postizbornim finansijskim izvještajima političkih stranaka („Službeni glasnik BiH”, broj: 10/18 i 5/22).

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM¹⁶ po cijeni od biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Platforma za progres je u svrhu izborne kampanje za Opće izbore 2022. godine mogla potrošiti sredstva u iznosu od 1.722.974,6 KM.

Platforma za progres je u godišnjem finansijskom izvještaju za 2022. godinu iskazala troškove izborne kampanje u iznosu od 194.157,63 KM, što ne odgovara stvarnom stanju.

¹⁶ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Pored iskazanih troškova izborne kampanje u iznosu od 194.157,63 KM, pregledom finansijskog izvještaja, utvrđeno je da je politička stranka ostvarila troškove izborne kampanje u iznosu od 38.034,93 KM.

Naime, politička stranka je troškove izborne kampanje u iznosu od 28.220,25 KM umjesto u obrascu 4.2, iskazala u obrascu 4.1 godišnjeg finansijskog izvještaja, dok troškovi u iznosu od 9.814,68 KM nisu iskazani u finansijskom izvještaju.

5.2 PREPORUKE

Preporučuje se Platformi za progres da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu s utvrđenim planom utroška sredstava,*
- *da, u skladu s odredbom člana 5. stav (4) Zakona o finansiranju političkih stranaka, sve priloge prijavljuje u finansijskom izvještaju,*
- *da članarinu i dobrovoljne priloge uplaćuje neposredno na transakcijski račun političke stranke najkasnije u roku od 10 dana od dana prijema uplate,*
- *da se ne finansira iz zabranjenih izvora,*
- *da vodi poslovne knjige u skladu sa računovodstvenim propisima, odnosno da vodi pravilne, pravovremene i potpune evidencije o transakcijskim računima, potraživanjima, prihodima, rashodima i obavezama, kao pretpostavku za pravilno finansijsko izvještavanje,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u zakonom propisanim rokovima i u skladu sa Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskim izvještajima političkih stranaka i*
- *da dostavlja dodatnu dokumentaciju.*

KOMENTAR:

U ostavljenom roku, Platforma za progres nije dostavila primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove, revizor

Sanja Tošović

Revizor

Tanja Golijanin